

# Lampiran Penerangan Produk

## Chubb Elite Professional Indemnity Insurance

Manfaat-manfaat yang dibayar di bawah sijil/polisi/produk yang layak adalah dilindungi oleh PIDM sehingga had perlindungan. Sila rujuk [Brosur Sistem Perlindungan Mंगाat Takaful dan Insurans PIDM](#) atau hubungi [Chubb Insurance Malaysia Berhad](#) atau PIDM (lawati [www.pidm.gov.my](http://www.pidm.gov.my)).

Pelanggan sekalian,

Lampiran Penerangan Produk (Lampiran) ini direka untuk memberikan anda maklumat utama mengenai polisi Chubb Elite Professional Indemnity Insurance ini.

Pelanggan lain telah membaca Lampiran ini dan mendapati ia membantu; **Anda juga harus membacanya.**

### 1. Apakah Chubb Elite Professional Indemnity Insurance?

Polisi ini menyediakan perlindungan kewangan untuk syarikat dan pekerjaannya daripada tuntutan liabiliti awam yang timbul daripada pelaksanaan (termasuk kegagalan untuk melaksanakan atau sebarang kesilapan atau ketinggalan dalam melaksanakan) perkhidmatan profesional mereka daripada sebarang kesilapan atau ketinggalan dalam menjalankan perniagaan mereka.

### 2. Ketahui Perlindungan Anda

Anda akan menerima **perlindungan** berikut:

| Polisi ini melindungi:  | Polisi ini mengecualikan:  |
|---|--|
| <ul style="list-style-type: none"> <li>• Tuntutan untuk liabiliti awam dalam pelaksanaan perkhidmatan profesional yang diinsuranskan, atau menjalankan perniagaan mereka yang pertama kali dibuat semasa tempoh insurans</li> </ul> <p>Di samping itu, lanjutan berikut digunakan secara automatik melainkan dinyatakan sebaliknya:</p> <ul style="list-style-type: none"> <li>• Liabiliti vakarius bagi perunding, kontraktor, subkontraktor dan ejen</li> <li>• Fitnah secara tidak sengaja</li> <li>• Pelanggaran harta intelek secara tidak sengaja</li> <li>• Liabiliti yang timbul daripada penglibatan dalam usaha sama</li> <li>• Kos yang munasabah dan perlu dalam menggantikan dan memulihkan dokumen yang hilang</li> <li>• Perlindungan automatik untuk anak syarikat yang baharu</li> <li>• Perlindungan terus tanggung untuk entiti yang diinsuranskan yang telah digabungkan, diambil alih atau dengan cara lain ditamatkan kewajuban atau operasi semasa tempoh insurans</li> <li>• Perlindungan berterusan sekiranya pengambil insurans mengekalkan perlindungan indemnity profesional dengan kami</li> <li>• Perbelanjaan perwakilan undang-undang bagi penyiasatan formal atau rasmi</li> </ul> | <ul style="list-style-type: none"> <li>• Liabiliti &amp; Kewajipan Tertanggung</li> <li>• Kecederaan Badan / Kerosakan Harta Benda</li> <li>• Kegagalan Kewangan &amp; Hutang Perdagangan</li> <li>• Penyelewengan, Ketidakjujuran &amp; Kelakuan Sengaja</li> <li>• Liabiliti Pengurusan</li> <li>• Kewajipan kepada Pekerja</li> <li>• Liabiliti Penghuni</li> <li>• Pencemaran, Radioaktiviti &amp; Asbestos</li> <li>• Perkara Terdahulu</li> <li>• Liabiliti Produk</li> <li>• Pihak &amp; Entiti Berkaitan</li> <li>• Perang &amp; Keganasan</li> <li>• Sekatan</li> </ul> |
| <p>Senarai perlindungan dan pengecualian dalam jadual ini <b>bukan menyeluruh</b>. Sila baca polisi anda untuk senarai penuh terma dan syarat.</p>  |  |
| <p>Dengan membayar <b>premium tambahan</b>, anda boleh memperluaskan perlindungan untuk merangkumi:</p> <ul style="list-style-type: none"> <li>- Penyelewengan &amp; Ketidakjujuran</li> <li>- Perniagaan Terdahulu Prinsipal</li> </ul>  |  |
| <p>Tempoh perlindungan adalah selama 1 tahun. Anda perlu memperbaharui polisi anda setiap tahun.</p>  |  |

### 3. Ketahui Kewajipan Anda

Untuk polisi insurans ini dan sebarang perlindungan tambahan/pilihan yang diminta, jumlah premium yang tepat akan ditentukan berdasarkan pelbagai faktor, termasuk aktiviti perniagaan / skop kerja anda, Had Liabiliti, jumlah hasil tahunan / nilai kontrak, kawalan dan pengurusan risiko, lokasi risiko, serta sejarah kerugian dalam tempoh 5 tahun yang lalu.

Sila hubungi kami atau perantara perkhidmatan anda untuk mendapatkan sebut harga.

#### **Anda juga perlu membayar yuran dan caj berikut:**

|                             |  |
|-----------------------------|--|
| Duti setem (jika berkenaan) | RM 10.00                               |
| Komisen (jika berkenaan)    | Maksimum sehingga 25% daripada premium |
| Caj lain yang dikenakan     | Cukai perkhidmatan 8%                  |

### 4. Ketahui Terma Utama Lain

- Kewajipan pendedahan anda  
Sebelum kontrak polisi ini dimeterai, diubah atau diperbaharui, anda mempunyai kewajipan untuk mendedahkan kepada kami apa-apa perkara bahawa:
  - (a) Anda tahu relevan dengan keputusan kami sama ada untuk menerima risiko atau tidak serta kadar dan terma yang akan digunakan; atau
  - (b) seseorang yang munasabah dalam keadaan itu dijangka akan mengetahui perkara yang relevan.
- Anda mesti dengan perbelanjaan sendiri mengambil semua langkah munasabah dan langkah awasan dalam melakukan semua perkara yang munasabah untuk mengelakkan atau meminimumkan sebarang kerugian sebenar atau berpotensi yang timbul daripada sebarang tuntutan.
- Anda tidak boleh mengakui liabiliti, menawarkan, berjanji atau membayar kepada penuntut tanpa kebenaran bertulis daripada kami.
- Terdapat jumlah Lebihan yang perlu anda tanggung sebelum kami membayar tuntutan. Ini dinyatakan dalam jadual polisi.
- Anda hendaklah memberi notis bertulis kepada kami secepat mungkin mengenai tuntutan.
- Polisi ini tertakluk kepada waranti premium enam puluh (60) hari, iaitu premium yang perlu dibayar mesti dibayar dan diterima oleh Penanggung Insurans dalam tempoh enam puluh (60) hari dari tarikh permulaan. Jika gagal, polisi ini dibatalkan secara automatik, dan premium prorata untuk enam puluh (60) hari hendaklah dibayar kepada kami.

**Nota:** Senarai ini adalah **bukan menyeluruh**. Sila baca polisi anda untuk senarai penuh terma dan syarat.

### 5. Bolehkah saya membatalkan Polisi saya?

Ya. Anda boleh membatalkan polisi anda pada bila-bila masa dengan memberikan notis bertulis kepada kami. Selepas pembatalan, anda berhak menerima bayaran balik prorata premium untuk Tempoh Polisi yang belum tamat, tertakluk kepada terma dan syarat polisi.

Jika terdapat apa-apa percanggahan di antara versi Bahasa Melayu dengan versi Bahasa Inggeris Lampiran Penerangan Produk ini, maka versi Bahasa Inggeris hendaklah digunakan.

Jika Anda mempunyai sebarang soalan atau memerlukan bantuan mengenai produk insurans Anda, Anda boleh:

Hubungi Kami di: 603-2058 3000

Lawati Kami di: <https://www.chubb.com/my-en/contact-us/product-enquiry.html>

E-mel Kami di: [Inquiries.MY@chubb.com](mailto:Inquiries.MY@chubb.com)